



**Geschichte der geistlichen Stiftungen, der adlichen
Familien, so wie der Städte und Burgen der Mark
Brandenburg**

[Urkunden-Sammlung für die Orts- und spezielle Landesgeschichte]

Riedel, Adolph Friedrich

Berlin, 1857

LIX. Ein kauffbrief Hertzog Johansen zu Mekelnburk etc., darinne er dem Closter vorkaufft vier Hufen vff zweyen Hofen Im Dorf Vlathow füe CL Mark Vinkenogen u. s. w.

Nutzungsbedingungen

[urn:nbn:de:hbz:466:1-54745](https://nbn-resolving.org/urn:nbn:de:hbz:466:1-54745)

LIX. Ein kauffbrif Hertzog Johanfen zu Mekelnburk etc., darinne er dem Clofter vorkaufft vier Hufen vff zweyen Hofen Im Dorff Vlatow für CL Mark Vinkenogenn u. f. w,

Vppe datt de ding, de Inn der tidt scheenn, mit der tidt nicht vorgann vnnnd komenn vte der Lude dechniffe, hirmme Ifs defs noth, datt me de ding veste vnnnd stedige mitt befegeldenn briuenn vnnnd mitt tugenn. Hirmme wie Johan, von Godefs gnade Hertoge to Mekelburk, to Stargardt vnd to Rostock herre, Bekennenn vor vnfs, vor vnse eruenn vnnnd vor alle vnse nakamelinge In dissem Jegenwardigenn breue vor alle denn Jenenn, de nu findt vnnnd In to komenn denn tidenn komenn mögenn, datt wi na rade vnser truwenn Radgeuen vnnnd wolbedachtem mode hebbenn vorkofft vnnnd vorkopenn Jegenwardich dem Erwerdigenn herenn Her Gerade, nu to der tidt Abbate tho der Hemmelporte, dem prior vnnnd dem gantzenn Conuente darfulues vir houenn, de liggenn in dem dorpe tho Vlatow, vonn denn vir houenn liggenn twe tho dem houe, dar nu to der tidt Wilke Crull vppe wonett vnnnd buwett, vnnnd de andernn twe liggenn to dem houe, datt Hans kinen leff vp gewonett hadde, dem God gnade, vor Anderhalffhundert mark penninge vinkenogenn munte. Desse vorschreuen vier huenn vnd twe houe schal de Abbett, prior vnnnd gantze Conuent defs vorschreuen Closters tho der Hemmelporte vnnnd alle ere nakamelinge darfulues brukelkenn tho ewigenn tidenn hebbenn vnnnd besittenn midt aller rechticheit, Herschop vnnnd richte, hogest vnnnd fideft, mit allem dinste, mit wurdenn, holtenn, waternn, wischenn, brokenn, morenn, grefungenn, mit wegenn vnnnd vnwegenn vnnnd mitt allem rechte, datt wie darfulues ann dem schulen hebbenn vonn der vier houenn wegenn, vnnnd meenlikenn midt allem rechte, thobehoringe vnnnd vrigheitt, als wie de houenn vnnnd haue vrigest besettenn hebbenn wente ann dissen tag der vorkopinge, vnnnd willenn em defs ene were wessenn vor alle de genenn, de vor recht komenn willenn, recht tho geuende vnnnd tho nemende. Vorthmer vmme meringe willenn defs Gotlikenn dinstes vnnnd vmme salicheitt willenn vnser oldernn, vnser vnnnd vnser eruenn sele willenn, so hebbe wie laterkenn dorch God dem Abbate, priore vnnnd dem gantzen Conuente defs Closters vorgeannt vnnnd alle ehren nakomelingenn gegeuenn vnnnd geuen Jegenwardich denn egeenn vnnnd gantze vrigheitt ouer die vorschreuen vier houenn vnd twe houe vnnnd hebbenn vnfs darmidit alle mehr nicht ann beholdenn, men alle wie hebbenn ouer de anderenn guder, de dem Godefshufe tho der Hemmelporte gevrigett vnnnd voregendt sint. Vppe datt alle disse vorschreuen stuckke ewiglick vast vnd vngebrokenn bliuenn, so hebbe wie vorschreuen herre vnse Ingefell mitt witschop vnnnd willenn hengenn lathenn an dissen brief. Tuge desser Ding findt vnse leue truwen Her Hinrick Paschedach, Ridder, Hermenn Paschedach, Hinrick Veltberch, Borke vonn kerkow, Ludeke Cratz vnnnd Hinricus Crane, vnse Scriuer, vnnnd mehr Lude, de lowenwerdich findt. Geuenn tho Lichen, ann denn Jarenn vnfes herenn vierteinhundert Jar, darnah Inn dem fofteinden Jare, Inn Sunte Johanss Bapsttenn auende siner borth.

Collationata est hec presens Copia per me supradictum Notarium et concordat cum suo originali verbotenus, quod attestor hac mea manu propria.